



**საქართველოს გაერთიანებული
წყარმომარაგების კომპანია**
UNITED WATER SUPPLY COMPANY OF GEORGIA

**წყლის გამანაწილებელ მილსადენებთან დაკავშირებული სამუშაოების
(წყალმზომი კვანძის მოწყობა) შესყიდვის ელექტრონული ტენდერის
(CPV 45232150 - წყლის გამანაწილებელ მილსადენებთან დაკავშირებული სამუშაოები)**

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე

ქ.თბილისი
2012 წელი

ს ა რ ჩ ე ვ ი

1. ტექნიკური დოკუმენტაცია	3
2. სახელმწიფო შესყიდვის შესახებ ხელშეკრულების პროექტი	5
3. დამატებითი ინფორმაცია	8
4. დანართი N1, აფიდავიტის საილუსტრაციო ფორმა.....	9
5. დანართი N2, პრეტენდენტის შეთავაზება	10
6. დანართი N3, საბანკო გარანტიის ფორმა	11
7. დანართი N4, ინფორმაცია განხორციელებული სამშენებლო სამუშაოების შესახებ	12
8. დანართი N5, ხარჯთაღრიცხვა	13
9. დანართი N6, ტექნიკური დავალება	14

1. ტექნიკური დოკუმენტაცია

1.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 იურიდიული პირებისათვის:

- (1) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.
- (2) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის როგორცაა ჩაიწერა ან ლიკვიდაცია;
- (3) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- (4) ცნობას, რომ მის მიმართ არ მიმდინარეობს გადახდისუუნარობის საქმე;
- (5) ცნობა საგადასახადო ორგანოდან ბიუჯეტის მიმართ დავალიანების არარსებობის შესახებ.

1.1.2 ფიზიკური პირებისათვის:

- (1) პირადობის მოწმობის (ან პასპორტის) ან/და საგადასახადის გადახდელის სარეგისტრაციო მოწმობის ასლები;
- (2) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმისწარმოება;
- (3) ცნობა საგადასახადო ორგანოდან ბიუჯეტის მიმართ დავალიანების არარსებობის შესახებ.

1.1.3 როგორც იურიდიული ასევე ფიზიკური პირებისათვის:

- (1) ხარჯთაღრიცხვა ტექნიკური დოკუმენტაციის დანართი N5-ის და დანართი N6-ის (ტექნიკური დავალება) შესაბამისად.
- (2) პრეტენდენტმა უნდა წარმოადგინოს შეთავაზება (რეკვიზიტები, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა, ინფორმაცია ანგარიშსწორების შესახებ, ინფორმაცია შესასრულებელი სამუშაოს საგარანტიო ვადის შესახებ, ინფორმაცია სამუშაოს შესრულების ვადის შესახებ) დანართი N2-ის მიხედვით.
- (3) ინფორმაცია 2010-2012 წლებში შესრულებული ან მიმდინარე სამშენებლო და წყალმომარაგება-წყალარინების (მათ შორის შიდა ქსელი და სხვა) ან მსგავსი ხასიათის სამუშაოების შესახებ (დანართი N4-ის შესაბამისად).
- (4) ინფორმაცია 2010-2012 წლებში შესრულებული ან მიმდინარე სამშენებლო სამუშაოების შესახებ, რომელთა ფაქტიური შესრულება არ უნდა იყოს 1 000 000 ლარზე ნაკლები, მათ შორის წყალმომარაგება-წყალარინების (შიდა ქსელი და სხვა) ან მსგავსი ხასიათის სამშენებლო სამუშაოების შესრულება არ უნდა იყოს 350 000 ლარზე ნაკლები. პრეტენდენტმა უნდა წარმოადგინოს ამ სამუშაოების შესრულების დამადასტურებელი დოკუმენტების ასლები (ხელშეკრულება, მიღება-ჩაბარების აქტი და საგადასახადო ანგარიშ-ფაქტურა).

1.2 პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მე-2 მუხლის პირველი პუნქტის „ქ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

1.3 ელექტრონული გარანტიის მოქმედების ვადა უნდა განისაზღვროს: ელექტრონული ტენდერის შემთხვევაში – არანაკლებ 90 კალენდარული დღით ტენდერისათვის სტატუსის „წინადადების მიღება დაწყებული“ მინიჭების თარიღის შემდეგ;

1.4 პრეტენდენტის მიერ წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს ელექტრონული ტენდერის შემთხვევაში – ტენდერისათვის სტატუსის „წინადადების მიღება დაწყებული“ მინიჭების თარიღის შემდეგ, ხოლო არარეზიდენტი პრეტენდენტის შემთხვევაში-საკვალიფიკაციო მონაცემების დამადასტურებელი დოკუმენტები გაცემული უნდა იყოს ტენდერისათვის სტატუსის „წინადადების მიღება დაწყებული“ მინიჭებამდე არა უგვიანეს 30 დღისა.

1.5 ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველი ორგანიზაციაში მოთხოვნიდან არაუმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინოს თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები ლეგალიზებული ან აპოსტილით დამოწმებული.

1.6 პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით, ასევე, პრეტენდენტს უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობით, საკვალიფიკაციო მონაცემების დამადასტურებელი დოკუმენტების საქართველოს კანონმდებლობით დადგენილი ფორმით, წარმოდგენის ვალდებულება პრეტენდენტს წარმოეშობა ხელშეკრულების ხელმოწერის მომენტისათვის. პრეტენდენტის მიერ საკვალიფიკაციო მონაცემების წარმოდგენლობა ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდენს ამ პრეტენდენტის დისკვალიფიკაციას.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.8 პრეტენდენტის მიერ სისტემაში ტექნიკური დოკუმენტაციის სახით ატვირთული უნდა იყოს:

1.8.1 ხარჯთაღრიცხვა ტექნიკური დოკუმენტაციის დანართი N5-ის და დანართი N6-ის (ტექნიკური დავალება) შესაბამისად.

1.8.2 შეთავაზება (რეკვიზიტები, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა, ინფორმაცია ანგარიშსწორების შესახებ, ინფორმაცია შესასრულებელი სამუშაოს საგარანტიო ვადის შესახებ, ინფორმაცია სამუშაოს შესრულების ვადის შესახებ) დანართი N2-ის მიხედვით.

1.8.3 ინფორმაცია 2010-2012 წლებში შესრულებული ან მიმდინარე სამშენებლო და წყალმომარაგება-წყალარინების (მათ შორის შიდა ქსელი და სხვა) ან მსგავსი ხასიათის სამუშაოების შესახებ (დანართი N4-ის შესაბამისად).

1.8.4 ინფორმაცია 2010-2012 წლებში შესრულებული ან მიმდინარე სამშენებლო სამუშაოების შესახებ, რომელთა ფაქტიური შესრულება არ უნდა იყოს 1 000 000 ლარზე ნაკლები, მათ შორის წყალმომარაგება-წყალარინების (შიდა ქსელი და სხვა) ან მსგავსი ხასიათის სამშენებლო სამუშაოების შესრულება არ უნდა იყოს 350 000 ლარზე ნაკლები. აღნიშნული სამუშაოების შესრულების დამადასტურებელი დოკუმენტების ასლები (ხელშეკრულება, მიღება-ჩაბარების აქტი და საგადასახადო ანგარიშ-ფაქტურა).

1.9 ხელშეკრულების უზრუნველყოფის საბანკო გარანტია:

1.9.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია (გაცემული საბანკო დაწესებულების მიერ), ხელშეკრულების საერთო ღირებულების 5 (ხუთი) %-ის ოდენობით, დანართი N3-ის მიხედვით.

- 1.9.2 ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.
- 1.9.3 გამარჯვებულ პრეტენდენტთან ხელშეკრულების გაფორმება მოხდება ხელშეკრულების უზრუნველყოფის საბანკო გარანტიის წარმოდგენის შემდეგ.

1.10 ანგარიშსწორების პირობები:

- 1.10.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 1.10.2 ანგარიშსწორება მოხდება უნაღდო ანგარიშსწორებით ლარში.
- 1.10.3 დაფინანსების წყარო: შპს „საქართველოს გაერთიანებული წყალმომარაგების კომპანიის“ სახსრები.
- 1.10.4 ანგარიშსწორება განხორციელდება ეტაპობრივად:
 - 1.10.4.1 მიმწოდებლის მოთხოვნის შემთხვევაში ავანსის სახით არაუმეტეს ხელშეკრულების ჯამური ღირებულების 20%-ის ოდენობისა, შესაბამისი ოდენობის საბანკო გარანტიის (გაცემული საბანკო დაწესებულების მიერ) წარმოდგენის შემდეგ 20 კალენდარულ დღეში;
 - 1.10.4.2 ეტაპობრივად, მიმწოდებლის მხრიდან შევსებული და შემსყიდველის მხრიდან ტექ. ზედამხედველის მიერ ხელმოწერილი, ფაქტიურად შესრულებული სამუშაოების აქტისა (ფორმა 2) და საგადასახადო ანგარიშ-ფაქტურის წარმოდგენის შემდეგ 30 კალენდარულ დღეში, 10%-ის დაკავებით და წინასწარი ანგარიშსწორების შემთხვევაში, ავანსის პროპორციული დაკეტივით, ამასთან ბოლო შესრულებული სამუშაოს აქტის (ფორმა 2) წარმოდგენის შემდეგ „მიმწოდებელს“ დაექვეთება ავანსის თანხის დარჩენილი ნაწილი სრულად; ფაქტიურად შესრულებული სამუშაოების აქტს თან უნდა ახლდეს მასალების ხარჯვის დამადასტურებელი აქტი, რომელიც დამოწმებული უნდა იყოს შემსყიდველის მიერ.
 - 1.10.4.3 საბოლოო მიღება-ჩაბარების აქტის გაფორმებიდან 15 კალენდარულ დღეში ფაქტიურად შესრულებული სამუშაოების ღირებულების 7,5%-ის ოდენობით;
 - 1.10.4.4 დანარჩენი ფაქტიურად შესრულებული სამუშაოების ღირებულების 2,5% საბოლოო მიღება-ჩაბარების აქტის გაფორმებიდან 1 (ერთი) კალენდარული წლის შემდგომ 15 კალენდარულ დღეში.

1.11 შესრულების პირობები, ადგილი და ვადები:

- 1.11.1 შესასრულებელი სამუშაო უნდა აკმაყოფილებდეს დანართ N6-ით გათვალისწინებულ პირობებს.
- 1.11.2 სამუშაოების შესრულების ადგილი: საქართველოს სხვადასხვა ქალაქი, დანართი N6-ის შესაბამისად.
- 1.11.3 მიმწოდებლის მიერ ერთი კალენდარული თვის განმავლობაში უნდა მოეწყოს სავარაუდოდ არანაკლებ 6000 წყალმზომი კვანძი. სამუშაოების შესრულების ვადაა ხელშეკრულების გაფორმების შემდგომ 2012 წლის 10 ოქტომბრიდან 2013 წლის 10 დეკემბრამდე.
- 1.11.4 იმ შემთხვევაში თუ კლიმატური პირობების გამო კონკრეტულ თვეში/თვეებში შეუძლებელია 1.11.3 ქვეპუნქტით მოთხოვნილი რაოდენობის წყალმზომი კვანძის მოწყობა, მაშინ მხარეთა შეთანხმების საფუძველზე შესაძლებელია ამ რაოდენობის შემცირება, იმ პირობით, რომ ამ დაუმონტაჟებელი წყალმზომი კვანძების მოწყობა განხორციელდება მომდევნო თვეში/თვეებში მაგრამ არაუგვიანეს 2013 წლის 10 დეკემბრისა.
- 1.11.5 სამუშაოების შესრულება დადასტურდება მიმწოდებლის მხრიდან შევსებული და შემსყიდველის მხრიდან უფლებამოსილი პირის/პირების მიერ ხელმოწერილი, ფაქტიურად შესრულებული სამუშაოების აქტის (ფორმა 2) წარმოდგენის საფუძველზე.
- 1.11.6 მიმწოდებლის მიერ წარმოდგენილი ფაქტიურად შესრულებული სამუშაოების აქტის (ფორმა 2) გაფორმების შემდგომ, აღმოჩენილი ხარვეზების გამოსწორებისათვის მიმწოდებელს განესაზღვრება ვადა არაუმეტეს 2 კალენდარული კვირისა. მითითებული ხარვეზების გამოსწორება მიმწოდებელმა უნდა უზრუნველყოს საკუთარი ხარჯებით.
- 1.11.7 შესყიდვის ობიექტის საბოლოო მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ.

1.12 ფასები

- 1.12.1 პრეტენდენტმა უნდა წარმოადგინოს ხარჯთაღრიცხვა დანართი N5-ის მიხედვით.
- 1.12.2 პრეტენდენტის მიერ შემოთავაზებულ ხარჯთაღრიცხვაში ფასი უნდა მოიცავდეს სამუშაოების შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

1.13 საგარანტიო პირობები

- 1.13.1 მიმწოდებლის მიერ შესრულებულ სამუშაოებზე ვრცელდება 1 (ერთი) წლიანი საგარანტიო ვადა, საბოლოო მიღება-ჩაბარების აქტის გაფორმებიდან.
- 1.13.2 საგარანტიო პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

ხელშეკრულება სახელმწიფო შესყიდვის შესახებ (პროექტი)

ქ. თბილისი

2012 წ.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილის მისი დირექტორის _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, „სახელმწიფო შესყიდვების შესახებ“ საქართველოს კანონისა და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

იმის გათვალისწინებით, რომ შემსყიდველმა ჩაატარა ელექტრონული ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება შეასრულოს სამშენებლო სამუშაო შემდეგ თანხაზე:

(ხელშეკრულების

თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და ასრულებს სამშენებლო სამუშაოს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2 ხელშეკრულების საგანი

- 2.1 წინამდებარე ხელშეკრულების საგანს წარმოადგენს წყლის გამანაწილებელ მილსადენებთან დაკავშირებული სამუშაოების (წყალშოში კვანძის მოწყობა) შესყიდვა.
- 2.2 შესასრულებელი სამუშაოს ზუსტი აღწერა მოცემულია დანართი N_ , რომელიც წარმოადგენს ხელშეკრულების განუყოფელ ნაწილს.

3 ხელშეკრულების ღირებულება

- 3.1 ხელშეკრულების სავარაუდო ჯამური ღირებულება შეადგენს _____ (_____) ლარს.
- 3.2 ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

4 ანგარიშსწორების წესი

- 4.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 4.2 ანგარიშსწორება მოხდება უნაღდო ანგარიშსწორებით ლარში.
- 4.3 დაფინანსების წყარო: შპს „საქართველოს გაერთიანებული წყალმომარაგების კომპანიის“ სახსრები.
- 4.4 ანგარიშსწორება განხორციელდება ეტაპობრივად:
 - 4.4.1 მიმწოდებლის მოთხოვნის შემთხვევაში ავანსის სახით არაუმეტეს ხელშეკრულების ჯამური ღირებულების 20%-ის ოდენობისა, შესაბამისი ოდენობის საბანკო გარანტიის (გაცემული საბანკო დაწესებულების მიერ) წარმოდგენის შემდეგ 20 კალენდარულ დღეში;
 - 4.4.2 ეტაპობრივად, მიმწოდებლის მხრიდან შევსებული და შემსყიდველის მხრიდან ტექ. ზედამხედველის მიერ ხელმოწერილი, ფაქტიურად შესრულებული სამუშაოების აქტისა (ფორმა 2) და საგადასახადო ანგარიშ-ფაქტურის წარმოდგენის შემდეგ 30 კალენდარულ დღეში, 10%-ის დაკავებით და წინასწარი ანგარიშსწორების შემთხვევაში, ავანსის პროპორციული დაქვითვით, ამასთან ბოლო შესრულებული სამუშაოს აქტის (ფორმა 2) წარმოდგენის შემდეგ „მიმწოდებელს“ დაექვითება ავანსის თანხის დარჩენილი ნაწილი სრულად; ფაქტიურად შესრულებული სამუშაოების აქტს თან უნდა ახლდეს მასალების ხარჯვის დამადასტურებელი აქტი, რომელიც დამოწმებული უნდა იყოს შემსყიდველის მიერ.
 - 4.4.3 საბოლოო მიღება-ჩაბარების აქტის გაფორმებიდან 15 კალენდარულ დღეში ფაქტიურად შესრულებული სამუშაოების ღირებულების 7,5%-ის ოდენობით;

4.4.4 დანარჩენი ფაქტიურად შესრულებული სამუშაოების ღირებულების 2,5% საბოლოო მიღება-ჩაბარების აქტის გაფორმებიდან 1 (ერთი) კალენდარული წლის შემდგომ 15 კალენდარულ დღეში.

5 ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი სამუშაოების მიმდინარეობაზე, რათა დარწმუნდნენ მათ შესაბამისობაში ხელშეკრულებით გათვალისწინებულ პირობებთან.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ შპს „საქართველოს გაერთიანებული წყალმომარაგების კომპანიის“ უფლებამოსილი წარმომადგენლები (ტექნიკური ზედამხედველი).

5.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6 შესყიდვის ობიექტის პირობები, ვადები და მიღება-ჩაბარების წესი

6.1 შესასრულებელი სამუშაო უნდა აკმაყოფილებდეს დანართ N ___-ში მითითებულ მახასიათებლებს.

6.2 სამუშაოების შესრულების ადგილი: საქართველოს სხვადასხვა ქალაქი, დანართი N6-ის შესაბამისად.

6.3 მიმწოდებლის მიერ ერთი კალენდარული თვის განმავლობაში უნდა მოეწყოს სავარაუდოდ არანაკლებ 6000 წყალმომარაგების კვანძი. სამუშაოების შესრულების ვადა ხელშეკრულების გაფორმების შემდგომ 2012 წლის 10 ოქტომბრიდან 2013 წლის 10 დეკემბრამდე.

6.4 იმ შემთხვევაში თუ კლიმატური პირობების გამო კონკრეტულ თვეში/თვეებში შეუძლებელია 6.3 ქვეპუნქტით მოთხოვნილი რაოდენობის წყალმომარაგების მოწყობა, მაშინ მხარეთა შეთანხმების საფუძველზე შესაძლებელია ამ რაოდენობის შემცირება, იმ პირობით, რომ ამ დაუმონტაჟებელი წყალმომარაგების კვანძების მოწყობა განხორციელდება მომდევნო თვეში/თვეებში მაგრამ არაუგვიანეს 2013 წლის 10 დეკემბრისა.

6.5 სამუშაოების შესრულება დადასტურდება მიმწოდებლის მხრიდან შევსებული და შემსყიდველის მხრიდან უფლებამოსილი პირის/პირების მიერ ხელმოწერილი, ფაქტიურად შესრულებული სამუშაოების აქტის (ფორმა 2) წარმოდგენის საფუძველზე.

6.6 მიმწოდებლის მიერ წარმოდგენილი ფაქტიურად შესრულებული სამუშაოების აქტის (ფორმა 2) გაფორმების შემდგომ, აღმოჩენილი ხარვეზების გამოსწორებისათვის მიმწოდებელს განესაზღვრება ვადა არაუმეტეს 2 კალენდარული კვირისა. მითითებული ხარვეზების გამოსწორება მიმწოდებელმა უნდა უზრუნველყოს საკუთარი ხარჯებით.

6.7 შესყიდვის ობიექტის საბოლოო მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ.

7 ხელშეკრულების შესრულების გარანტია

7.1 ხელშეკრულების შესრულების უზრუნველყოფის მიზნით გამოყენებულია საბანკო გარანტია (გაცემული საბანკო დაწესებულების მიერ) ხელშეკრულების ღირებულების 5% (ხუთი)-ის ოდენობით, რომლის მოქმედების ვადა 30 (ოცდაათი) კალენდარული დღით აღემატება ხელშეკრულების მოქმედების ვადას.

7.2 საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვანად შესრულების გამო.

7.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას შემსყიდველი ვალდებულია უზრუნველყოს გარანტიის დაბრუნება.

8 საგარანტიო პირობები

8.1 მიმწოდებლის მხრიდან, მის მიერ შესრულებულ სამუშაოებზე ვრცელდება საგარანტიო ვადა ----- განმავლობაში, საბოლოო მიღება-ჩაბარების აქტის გაფორმებიდან.

8.2 საგარანტიო პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

8.3 შემსყიდველის მიერ დაკავებული თანხა (ფაქტიურად შესრულებული სამუშაოების ღირებულების 2,5%) წარმოადგენს მიმწოდებლის მხრიდან შესრულებული სამუშაოების გარანტიის ფინანსურ უზრუნველყოფას.

8.4 თუ მიმწოდებელი საგარანტიო პერიოდის განმავლობაში უარს განაცხადებს საგარანტიო პირობებით გათვალისწინებული ვალდებულებების შესრულებაზე, შემსყიდველი უფლებამოსილია უარი თქვას ამ ხელშეკრულების 4.4.4 პუნქტით გათვალისწინებული თანხის გადახდაზე.

9 მხარეთა პასუხისმგებლობა

9.1 ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1%-ის ოდენობით.

9.2 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

9.3 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10 ხელშეკრულების მოქმედების ვადა

წინამდებარე ხელშეკრულება ძალაშია ხელმოწერის დღიდან და მოქმედებს 2014 წლის 31 იანვრის ჩათვლით.

11 ხელშეკრულების შეწყვეტა

შემსყიდველს შეუძლია შეწყვიტოს ხელშეკრულება:

11.1 თუ მიმწოდებელს ხელშეკრულებით გათვალისწინებულ ვადებში არ შეუძლია შეასრულოს ნაკისრი ვალდებულებები.

11.2 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3 მიმწოდებლის გაკოტრების შემთხვევაში;

11.4 თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

11.5 საქართველოს კანონმდებლობით გათვალისწინებულ სხვა შემთხვევებში.

12 ფორს-მაჟორი

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საბიუჯეტო ასიგნებების მკვეთრი შემცირებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 (დღის) ვადაში უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

12.4 ფორს-მაჟორული გარემოებების 30 დღით გაგრძელების შემთხვევაში მხარეებს უფლება აქვთ შეწყვიტონ ხელშეკრულება.

13 ხელშეკრულების ენა

ხელშეკრულება დაწერილია ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცემა მხარეთა შორის, უნდა შეესაბამებოდეს აღნიშნულ პირობებს.

14 სადაო საკითხების გადაწყვეტა

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

15 უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

16 შეტყობინების განხორციელება

ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17 გადასახადები და დაბეგვრა

17.1 უცხოელი მიმწოდებელი პასუხს აგებს შესასრულებელ სამუშაოებთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

18 დამატებითი პირობები

18.1 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.2 ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

შემსყიდველი:

მიმწოდებელი:

**შპს „საქართველოს გაერთიანებული წყალმომარაგების
კომპანია“**

3. დამატებითი ინფორმაცია

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, ა.პოლიტკოვსკაიას #5; საკონტაქტო პირი: იულია ტყემელაშვილი.

ელ.ფოსტა: i.tkeshelashvili@water.gov.ge

ტელ.: +995 322919060

+995 599728787

ა ფ ი დ ა ვ ი ტ ი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი “კონკურენტი” აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- o სატენდერო წინადადების ფასი;
- o სატენდერო წინადადების ფასის გამოთვლის მეთოდი, კოეფიციენტი ან ფორმულა;
- o სატენდერო წინადადების წარდგენა ან წარდგენისგან თავის შეკავება;
- o ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- o შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე. გავცეან ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

პრეტენდენტის შეთავაზება

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული მისამართი:	
	ბანკი:	
	ბანკის კოდი:	
	ანგარიშის ნომერი:	
2.	სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:	
3.	ხელშეკრულების უზრუნველყოფის საბანკო გარანტიის ოდენობა პროცენტულად:	
4.	ინფორმაცია ანგარიშსწორების შესახებ:	
5.	ინფორმაცია შესასრულებელი სამუშაოს საგარანტიო ვადის შესახებ (არანაკლებ 1 წელი):	
6.	ინფორმაცია სამუშაოს შესრულების ვადის შესახებ:	

პრეტენდენტის ხელმოწერა

ხელშეკრულების შესრულების საგარანტიო უზრუნველყოფა (საბანკო გარანტია)

ვის: _____

(შემსყიდველის დასახელება)

მხედველობაში ვიღებთ რა, რომ

(მიმწოდებლის დასახელება)

შემდგომში „მიმწოდებელმა“ _____ ტენდერში წარდგენილი
თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია _____

გარანტების ხელმოწერა და ბეჭედი

(თარიღი)

(მისამართი)

ინფორმაცია 2010-2011 წლებში წყალმომარაგება-წყალარინების (მათ შორის შიდა ქსელი და სხვა) ან
მსგავსი ხასიათის სამშენებლო სამუშაოების შესახებ

პრეტენდენტის დასახელება: _____

N	შესრულებული სამუშაოს დასახელება	ვადები		დამკვეთი	შესრულებული სამუშაოს ღირებულება	შენიშვნა
		დასაწყისი	დასასრული			
1	2	3	4	5	6	7
1						
2						
3						
4						
5						
6						
7						
8						
9						
10						
11						
12						
13						
14						
15						
16						
17						
18						
19						
20						

პრეტენდენტის ხელმოწერა

პრეტენდენტის დასახელება _____

ხარჯთაღრიცხვა

	სამუშაოს დასახელება	განზ. ერთ.	საგარეულო რაოდენობა	ერთ.ფასი	სულ (ლარი)
1	2	3	4	5	6
1.	წყალმზომი კვანძის მოწყობა ყუთით (სამონტაჟო სამუშაოების სრული ციკლი) საქართველოს სხვადასხვა ქალაქებში	წერტ	70000		
2.	დღგ	18%			
	სულ:				

- წყლის მრიცხველის კვანძის მოწყობისათვის საჭირო მრიცხველის, მრიცხველის ყუთის და სამონტაჟო მასალების მიწოდებას უზრუნველყოფს შემსყიდველი.

ხელმოწერა _____

**საქართველოს სხვადასხვა ქალაქებში, კერძო სახლებში
წყლის მრიცხველის კვანძის მოწყობის სამუშაოების ტექნიკური დავალება**

1. ჩასატარებელი სამუშაოების აღწერა

სამუშაოების შესრულების ადგილია საქართველოს სხვადასხვა ქალაქი. მიმწოდებლის მიერ ერთი კალენდარული თვის განმავლობაში უნდა მოეწყოს სავარაუდოდ არანაკლებ 6000 წყალმზომი კვანძი, სულ 70 000 წყალმზომი კვანძი. სამუშაოების შესრულების ვადაა ხელშეკრულების გაფორმების შემდგომ 2012 წლის 10 ოქტომბრიდან 2013 წლის 10 დეკემბრამდე.

იმ შემთხვევაში თუ კლიმატური პირობების გამო კონკრეტულ თვეში/თვეებში შეუძლებელია მოთხოვნილი რაოდენობის წყალმზომი კვანძის მოწყობა, მაშინ მხარეთა შეთანხმების საფუძველზე შესაძლებელია ამ რაოდენობის შემცირება, იმ პირობით, რომ ამ დაუმონტაჟებელი წყალმზომი კვანძების მოწყობა განხორციელდება მომდევნო თვეში/თვეებში მაგრამ არაუგვიანეს 2013 წლის 10 დეკემბრისა.

ჩასატარებელი სამუშაოების ყოველი კონკრეტული ქალაქის/ქალაქების და წყალმზომი კვანძის რაოდენობის განსაზღვრა განხორციელდება ხელშეკრულების გაფორმების შემდგომ ეტაპობრივად შემსყიდველის მიერ მიმწოდებლისათვის წინასწარი წერილობითი შეტყობინების საფუძველზე. შეტყობინებიდან 5 (ხუთი) სამუშაო დღის ვადაში მიმწოდებელი ვალდებულია ტექნიკისა და პერსონალის მობილიზაცია მოახდინოს ყოველ კონკრეტულ ქალაქში/ქალაქებში და დაიწყოს სამუშაოების შესრულება.

მიმწოდებელმა უნდა უზრუნველყოს წყლის მრიცხველის კვანძის მოწყობა კერძო საცხოვრებელი ეზოს გარეთ, ხოლო შეუძლებლობის შემთხვევაში მრიცხველის კვანძის მოწყობა უნდა განხორციელდეს ეზოს შიგნით საზღვართან ახლოს, შემსვლელ მილზე ჰორიზონტალური მრიცხველის მოწყობით.

სამუშაოების დაწყებამდე, მიმწოდებელმა უნდა განახორციელოს კერძო საცხოვრებელი სახლების წინასწარი დეტალური შესწავლა, რომელიც შეთანხმებული უნდა იყოს შემსყიდველის უფლებამოსილ წარმომადგენლებთან.

წყლის მრიცხველის კვანძის მოწყობისათვის საჭირო მრიცხველის, მრიცხველის ყუთის და სამონტაჟო მასალების მიწოდებას უზრუნველყოფს შემსყიდველი. მიმწოდებელმა უნდა წარუდგინოს შემსყიდველს დასაბუთებული მოთხოვნა სამონტაჟო მასალების მიწოდებაზე.

მრიცხველების მოწყობის ადგილი, მიმწოდებელმა უნდა შეათანხმოს კერძო სახლის მფლობელთან - სათანადო აქტის გაფორმებით.

2. წყლის მრიცხველის კვანძის მოწყობის მოთხოვნები

წყლის მრიცხველების მონტაჟი უნდა განხორციელდეს შემსყიდველის და მწარმოებლის ტექნიკური მოთხოვნების შესაბამისად, რათა თავიდან იქნეს აცილებული მისი გაუმართავი მუშაობა და აღრიცხვისათვის აუცილებელი სიზუსტის დარღვევა.

მრიცხველები უნდა დამონტაჟდეს ისეთ სიღრმეზე რომ თავიდან იქნეს აცილებული მექანიკური და ყინვისმიერი დაზიანება. ყუთის ზედა სიბრტყე მიწის ზედაპირიდან უნდა იყოს 5 სმ-ის დაშორებით, ხოლო აღრიცხვის კვანძი ყუთის ფსკერიდან არაუმეტეს 7 -12 სმ. მონტაჟის ადგილი უნდა იყოს ისეთი, რომ ადვილი იყოს მრიცხველის ჩვენების აღება, მრიცხველი საიმედოდ უნდა იყოს დამაგრებული, წყლის ნაკადმა კვანძის ნაწილები არ უნდა გადაადგილოს, ასევე წყლის მრიცხველების დამონტაჟება უნდა განხორციელდეს წყლის ნაკადის სწორი მიმართულებით. მიმწოდებელმა უნდა დაამონტაჟოს მრიცხველი ისე, რომ გაადვილებული იყოს სარემონტო - პროფილაქტიკური სამუშაოების ჩატარება.

სამონტაჟო სამუშაოების დროს მრიცხველის არასწორი მონტაჟის ან დაზიანების შემთხვევაში, პასუხისმგებლობა ეკისრება მიმწოდებელს, რომლის აღმოფხვრა მიმწოდებელმა უნდა უზრუნველყოს საკუთარი ხარჯით.

საგარანტიო პერიოდის განმავლობაში გამოვლენილი დეფექტების აღმოფხვრა მიმწოდებელმა უნდა უზრუნველყოს საკუთარი ხარჯით.

მიმწოდებელმა უნდა უზრუნველყოს მილსადენის შემოწმება-გაწმენდა დამონტაჟებამდე. გაწმენდაში უნდა შედიოდეს ჟანგის, ჭუჭყის, მინადულების და ა.შ. მოცილება.

წნევის ქვეშ მომუშავე ფიტინგები ან გადამყვანები (ფლანგები) წყლის მრიცხველებთან მიერთებისას ისე უნდა იყოს მოწყობილი, რომ გაადვილდეს მრიცხველის დემონტაჟისა და მოვლის პროცესი.

წყლის მრიცხველის კვანძის მოწყობის დასრულების შემდეგ მიმწოდებელმა უნდა უზრუნველყოს ჰიდრაულიკური ტესტირების ჩატარება.

თითოეულ კერძო სახლში მრიცხველის კვანძის მონტაჟის დასრულებისას მიმწოდებელმა უნდა წარუდგინოს შემსყიდველს შემდეგი ინფორმაცია:

- თითოეული ინდივიდუალური მრიცხველის განთავსების ადგილი, ზუსტი მისამართის (ქუჩა, სახლის და ნომრის) მითითებით;
- მრიცხველის დაყენების თარიღი;
- მრიცხველის ზომა და სერიული ნომერი;
- სურათი და / ან მილსადენზე მოწყობილი მრიცხველის დაყენების სქემა;

თითოეულ ფოტოსურათზე აღნიშნული უნდა იყოს მრიცხველის მდებარეობა და დამონტაჟების თარიღი.

მიმწოდებელმა უნდა მოიპოვოს სხვადასხვა ორგანიზაციებიდან ყველა საჭირო ნებართვა, რომელიც აღნიშნული სამუშაოების შესრულებასთან არის დაკავშირებული.

მიმწოდებელმა უნდა წარუდგინოს ტექნიკურ ზედამხედველს შესრულებითი ნახაზები სამონტაჟო სამუშაოების დასრულების შემდეგ. მათში სათანადო შენიშვნების და საჭირო ცვლილებების გათვალისწინების შემდეგ მიმწოდებელმა უნდა წარმოადგინოს ნახაზების საბოლოო ვერსია 3 ეგზემპლარად და ელექტრონული ვერსია (CD).

3. სამუშაოს შესრულების პირობები:

მიმწოდებელმა კერძო საცხოვრებელი სახლების წინასწარი დეტალური შესწავლის შემდეგ ყოველკვირეულად ან ყოველთვიურად უნდა წარუდგინოს მოთხოვნა შემსყიდველს სამონტაჟო მასალების მიწოდებაზე, რომელიც ზედნადებით გადაეცემა მიმწოდებელს. სამუშაოების დასრულების ან/და მიმდინარეობისას მიმწოდებელმა უნდა წარუდგინოს შემსყიდველს ინფორმაცია მასზე გადაცემული სამონტაჟო მასალების ხარჯვის შესახებ.

ხელმოწერა_____